

servas, tua sancta, cœlestique benedictione, bene ✠
die, quæsumus, hos ramos, quos tui famuli ad glo-
riam nominis tui, honoremque B. Petri Martyris tui
fideliter suscipiunt: ut in quemcumque locum intro-
ducti fuerint, tuam benedictionem habitatores loci il-
lius consequantur, et omni tempestate effugata, dexte-
ra tua potenter defendat Dominus noster Jesus-Chris-
tus. Qui tecum vivit, etc.

Bene ✠ dic, quæsumus Domine, et sancti ✠ fica
tua sancta bene ✠ dictione hos ramos, et præsta: ut
quod populus tuus in tua gloria, venerationeque Bea-
tti Petri Martyris tui hodierna die corporaliter agit, hoc
spiritualiter summa devotione perficiat, de hoste ma-
ligno victoriam reportando, et tranquillitate temporum
congaudendo. Per Dominum nostrum, etc.

OREMUS.

Exaudi preces tuorum fidelium, omnipotens Deus,
ut sicut Moysi famulo tuo, in Helim, ubi erant septua-
ginta palmæ, et duodecim fontes aquarum propitijs
adfuisti; ita in solemnitate sanctissimi Petri Martyris
tui, quam hodie colimus, adstanti devoto populo tuo
adesse tua immensa pietate digneris, et has palmas,
quas in honorem tui nominis, et pro reverentia ejus-
dem præfati Martyris suspicere anhelat, bene ✠ dicere
digneris: ut in quibuscumque locis, domibus, hortis,
vineis, nemoribus, vel agris fuerint collocatæ, tuam
largam consequi benedictionem, benignamque custo-
diam habitatores possessoresve mereantur: atque om-
nis adversitas fulgurum, et tempestates malignorum

spirituum per intercessionem, et merita ejusdem sanc-
tissimi Petri Martyris diffugiant, et ad nihilum redi-
gantur: quatenus fideles de tua gratuita misericordia
confidentes, et palmas devotis mentibus suscipientes,
et quibusvis locis, eis visum fuerit collocantes, tam
ipsi, quam eorum bona ab omni incursu, et infestatio-
ne nequissimorum demonum ineffabili tua clementia
protegantur; et ejusdem beatissimi Petri Martyris as-
siduo patrocinio salutem mentis et corporis consequi
mereantur. Per Dominum nostrum, etc.

*His jam sic peractis, Sacerdos asperget ramos aqua
benedicta, quos aspersos incensabit, et statim fiat pro-
cessio per loca solita, canendo Hymnum: Deus tuorum
militum, et si ob viæ longitudinem non sufficiat, cane-
tur Hymnus: Invictæ Martyr, unicum, ut sequuntur:*

HYMNUS.

Deus tuorum militum
Sors, et corona, præmium,
Laudes canentes Martyris
Absolve nexus criminis.

Hic nempe mundi gaudia,
Et blanda fraudum pabula
Imbuta felle deputans
Pervenit ad cœlestia.

Poenas cucurrit fortiter,
Et sustulit viriliter,
Fundensque pro te sanguinem,
Æterna dona possidet.

Ob hoc precatus supplici
Te poscimus piissime:
In hoc triumpho Martyris
Dimitte noxam servulis.

HYMNUS.

Invictæ Martyr, unicūm
Patris secutus Filium,
Victis triumphas hostibus,
Victor fruens cœlestibus.

Tui precatus munere,
Nostrum reatum dilue,
Arcens mali contagium,
Vitæ repellens tædium.

Soluta sunt jam vincula
Tui sacrati corporis;
Nos solve vinclis sæculi
Dono superni Numinis.

Deo Patri sit gloria,
Et Filio, qui à mortuis
Surrexit, ac Paraclito,
In sempiterna sæcula. Amen.

At cum processio ad Ecclesiam revertetur, Sacerdos

intonabit Antiphonam sequentem, quam clerus prosequetur usquequo devenerit ad Altare Majus, aut Sancti Petri Martyris, si detur.

Antiphona. Filiæ Hierusalem, venite, et videte Martyres cum coronis, quibus coronavit eos Dominus in die solemnitatis, et lætitiae. Alleluia, alleluia.

Dicta Antiphona, stans Sacerdos coram Altari, dicit sequentes versiculos, et Clerus responsoria:

- ¶. Ora pro nobis sancta Dei Genitrix. Alleluia.
- ¶. Ut digni efficiamur promissionibus Christi. Alleluia.
- ¶. Pretiosa in conspectu Domini. Alleluia.
- ¶. Mors Sanctorum ejus. Alleluia.
- ¶. A fulgure et tempestate. Alleluia.
- ¶. Libera nos Deus noster. Alleluia.

OREMUS.

Protege, Domine, famulos tuos subsidiis pacis, et
B. Mariæ semper Virginis patrocinii confidentes à cunctis hostibus redde securos.

Præsta, quæsumus, omnipotens Deus, ut B. Petri Martyris tui fidem congrua devotione sectemur, qui pro ejusdem fidei dilatatione martyrii palmam meruit obtinere.

A Domo tua, quæsumus, Domine, spirituales nequitiae repellantur, et aerearum discedat malignitas tempestatum, et fulgorum.

Largiri, et conservare digneris fructus terræ, Domine Deus noster: ut temporalibus gaudeamus auxi-

liis, et spiritualibus semper proficiamus incrementis.
Per Christum Dominum nostrum. ¶. Amen.

Postea populum adhortabitur, ut in suis possessionibus ramos benedictos ponat, dicendo devote: Credo in unum Deum, etc., et in fine: Sancte Petre Martyr ora pro nobis.

ALIA BREVIS BENEDICTIO RAMORUM IN FESTO S. PETRI MART.

29 APRILIS.

(Ex Rit. Cler. Regul. M. Dei Scholarum Piar.).

- ¶. Adjutorium nostrum in nomine Domini.
- ¶. Qui fecit cœlum et terram.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum. ¶. Et cum spiritu tuo.

OREMUS.

Deus qui dispersa congregas et congregata conservas, tua sancta cœlestique benedictione bene ☩ dic quæsumus, hos ramos, quos tibi tui famuli ad gloriam nominis tui, honoremque B. Petri Martyris tui fideliiter suscipiunt; ut in quemcumque locum introducti fuerint, tuam benedictionem habitatores loci illius consequantur, et omni adversitate, ac tempestate effugata dextera tua potenter defendat Dominus noster Jesus Christus. Qui tecum vivit et regnat, etc.

OREMUS.

Bene ☩ dic, quæsumus Domine, et sancti ☩ fica tua sancta benedictione hos ramos, et præsta; ut quod

populus tuus in tua gloria , veneracioneque B. Petri Martyris tui hodierna die corporaliter agit, hoc spiritualiter summa devotione perficiat, de hoste maligno victoriam reportando, et tranquillitate temporum congaudendo. Per Christum , etc.

Deinde aspergat aqua benedicta.

ALIA BENEDICTIO PALMARUM VEL ALIORUM RAMORUM IN Eodem FESTO S. PETRI MART.

(Ex Collectario Sacr. Ord. FF. Prædic.).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Domine Jesu-Christe , Fili Dei vivi , bene ✕ dic hos arborum ramos , supplicationibus nostris : et infunde eis , Domine , per virtutem Sanctæ ✕ Crucis , et per intercessionem B. Petri Martyris benedictionem cœlestem , qui triumphaturus de hoste generis humani , per manus puerorum palmas , et arborum ramos in honorem tuum adhiberi voluisti : talemque benedictionem signaculo Sanctæ ✕ Crucis accipiant ; ut in quibuscumque locis positæ fuerint , discedant principes tenebrarum , et contremiscant , et fugiant pavidi cum omnibus ministris suis , de locis , vel habitacionibus illis ; non ibi noceant fulmina , et tempestates : non fructus terræ consumat , aut deperdat ulla intemperies elementi , nihilque inquietet aut molestet servientes tibi omnipotenti Deo . Qui vivis et regnas , etc. R. Amen.

peries elementi : nihilque inquietet , aut molestet servientes tibi omnipotenti Deo : Qui vivis et regnas , etc.
R. Amen.

Aspergantur aqua benedicta.

BENEDICTIO OLIVARUM IN FESTO S. PETRI MART. IN DIE
29 APRILIS.

(Ex Collectario Sacr. Ord. FF. Prædic.).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Domine Jesu-Christe , Fili Dei vivi , bene ✕ dic olivas istas supplicationibus nostris : et infunde eis , Domine , per virtutem Sanctæ ✕ Crucis , et per intercessionem B. Petri Martyris benedictionem cœlestem , qui eas ad repellendas tenebras humano generi tribuisti : talemque benedictionem signaculo Sanctæ ✕ Crucis accipiant ; ut , in quibuscumque locis positæ fuerint , discedant principes tenebrarum , et contremiscant , et fugiant pavidi cum omnibus ministris suis de locis , vel habitacionibus illis : non ibi noceant fulmina , et tempestates : non fructus terræ consumat , aut deperdat ulla intemperies elementi , nihilque inquietet aut molestet servientes tibi omnipotenti Deo . Qui vivis et regnas , etc. R. Amen.

Aspergantur aqua benedicta.

BENEDICTIO RAMORUM, ROSARUM, ETC., IN HONOREM S. PONTII MART. AD EXPELLENDOS CIMICES E DOMIBUS CUBICULISQUE, ETC., DIE 11 MAII FACIENDA.

(Ex Rit. Vicen. Barc. et Urg.).

Observentur ritus et orationes ut supra in benedictione ramorum in die S. Petri Martyris, pág. 120. In orationibus vero Omnipotens semperne Deus, etc., Deus qui, etc., Benedic quæsumus, etc., loco vocis Petri, dicet: Pontii. Oratio autem: Exaudi preces, notatur infra ad tollendam æquivocationem in mutatione verborum.

OREMUS.

Exaudi preces tuorum fidelium, omnipotens Deus, ut sicut Moysi famulo tuo in Helim, ubi erant septuaginta Palmæ, et duodecim fontes aquarum propitius adfuisti; ita in solemnitate sanctissimi Pontii Mart. tui, quam hodie colimus, adstanti devoto populo tuo adesse tua immensa pietate digneris: et hos ramos, quos in honorem tui nominis, et pro reverentia ejusdem prefati Martyris suspicere anhelat, bene ☩ dicere digneris: ut in quibuscumque locis, domibus, cubiculis, vel lectis fuerint collocati, tuam largam consequi benedictionem, benignamque custodiam habitatores mereantur: atque omnis adversitas cimicum, et malignorum spirituum per intercessionem, et merita ejusdem sanctissimi Pontii Martyris diffugiat, et ad nihilum redigatur; quatenus fideles de tua gratuita misericordia confidentes, et ramos devotis mentibus suscipientes, et quibusvis locis, eis visum fuerit, col-

locantes, tam ipsi, quam eorum bona ab omni incursu, et infestatione cimicum, et nequissimorum dæmonum ineffabili tua clementia protegantur; et ejusdem Beatisissimi Pontii Martyris assiduo patrocinio salutem mentis, et corporis consequi mereantur. Per Dominum nostrum, etc.

Finita benedictione, aspergantur rami aqua benedicta, et thurifcentur; et sciat populus, ramos cum magna decentia habendos in cubiculis, aut in lectulis collocandos.

Et si ob populi devotionem Missa dicenda sit de S. Pontio, dicetur: Protexisti, et oratio Praesta quæsumus de Comm. unius Mart. temp. Pasch.

ALIA BREVIS BENEDICTIO RAMORUM, ROSARUM, ETC., IN DIE S. PONTII MART. 11 MAII.

(Ex Rituali Cler. Regul. M. Dei Scholarum Piarum).

- ¶. Adjutorium nostrum in nomine Domini.
- ¶. Qui fecit cœlum et terram.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum. ¶. Et cum spiritu tuo.

OREMUS.

Exaudi preces tuorum fidelium, ut supra pag. 128 usque ad finem ejusdem orationis.

Deinde aspergantur aqua benedicta.

BENEDICTIO FÖENICULI IN DIE S. AEGIDII.

(Ex Rit. Vicen. Tarr. Barc. et Urg.).

¶. Adjutorium nostrum in nomine Domini.

- R. Qui fecit cœlum et terram.
 V. Sit nomen Domini benedictum.
 R. Ex hoc nunc, et usque in sæculum.
 V. Domine, exaudi orationem meam.
 R. Et clamor meus ad te veniat.
 V. Dominus vobiscum. R. Et cum spiritu tuo.

OREMUS.

Creator omnium Deus, qui semina subtus terram posita fructificare, et multiplicare facis, et in usus nostros misericorditer concedis: intercedente Beato Egidio Abate, et Confessore tuo supplicationes nostras placatus admitte, et scenicum istud, tua clementia bene dicere, et sancti ficare digneris: ut quodcumque animal ex eo comederit, vel gustaverit, à quacumque infirmitate, meritis et intercessione ejusdem Beati Egidii, plenam recipiat curationem, et perfectam sanitatem; et nos famulos tuos ab omni animæ et corporis ægritudine sanare, et sanos conservare digneris. Per Dominum nostrum Jesum-Christum, etc.

R. Amen.

Benedictio Dei omnipotentis Pa~~X~~tris, et Filii, et Spiritus Sancti descendat, et maneat super nos, et scenicum istud. Amen.

Aspergatur aqua benedicta.

BENEDICTIO ROSARUM SANCTÆ RITÆ.

(Ex Ceremon. seu Rit. Ord. S. P. Augustini.)

- V. Adjutorium nostrum in nomine Domini.
 R. Qui fecit cœlum et terram.

- V. Domine, exaudi orationem meam.
 R. Et clamor meus ad te veniat.
 V. Dominus vobiscum. R. Et cum spiritu tuo.

OREMUS.

Trementes, et supplices te, Domine, deprecamur per magnam misericordiam et pietatem tuam, per amorem omnium Sanctorum tuorum, præsertim per amorem et sanctitatem Ritæ; ut bene dicere et sanctificare digneris rosas istas, ut sint remedium salutare generi humano: et præsta per invocationem tui sanctissimi Nominis et B. Ritæ, ut quicunque ex eis sumperit, aut gustaverit, corporis sanitatem, et animæ tutelam suscipiat. Per Christum, etc.

Aspergantur aqua benedicta.

TITULUS IV.

DE BENEDICTIONIBUS ESCULENTORUM ET POCULENTORUM.

Quæ continentur in hoc quarto titulo fieri possunt à quocumque simplici Sacerdote.

BENEDICTIO AGNI PASCHALIS.

(Ex Miss. et Rit. Rom. Vicen. et aliis, et Col. P. Sannig).

- V. Adjutorium nostrum in nomine Domini.
 R. Qui fecit cœlum et terram.
 V. Domine, exaudi orationem meam.